



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: 11-02-3-717-1/24
Sarajevo, 17.09.2024. godine

Na osnovu člana 61. Zakona o upravi ("Službeni glasnik BiH", broj 32/02, 102/09 i 72/17), člana 9. stav 2. Zakona o statistici Bosne i Hercegovine ("Službeni glasnik BiH", broj 26/04 i 42/04), a u skladu sa članom 15. Zakona o sprečavanju sukoba interesa u institucijama na nivou Bosne i Hercegovine ("Službeni glasnik BiH", broj 18/2024), direktorica Agencije za statistiku Bosne i Hercegovine, donosi

Pravilnik o poklonima Agencije za statistiku Bosne i Hercegovine

Član 1. (Predmet Pravilnika)

Ovim Pravilnikom reguliše se način korištenja budžetskih sredstava, uslovi, procedure i nabavka poklona za službenu upotrebu u Agenciji za statistiku Bosne i Hercegovine (u daljnjem tekstu: Agencija).

Član 2. (Pojam poklona/dara)

Pokloni su materijalni predmeti koji se uobičajeno razmjenjuju u toku realizacije propisanih aktivnosti Agencije u okviru poslovnih odnosa koje Agencija ima ili će uspostaviti sa poslovnim partnerima.

Član 3. (Primanje poklona)

(1) Agencija će primiti poklone, nezavisno od njihove vrijednosti, kada je to u skladu sa zakonima Bosne i Hercegovine i kada ne postoje drugi opravdani razlozi zbog kojih ih ne bi trebalo primiti.

(2) Poklone mogu davati i primiti direktori i zamjenici direktora u ime Agencije u vezi sa obavljanjem javne funkcije. Primalac poklona (direktor, zamjenici direktora) od jednog darovaoca ne može primiti poklon čija vrijednost prelazi 300 KM.

(3) Poklonom, u smislu stava (3) ovog člana, smatra se i više poklona dobivenih od istog lica u toku jedne godine. Ako direktor ili zamjenici direktora (individualno) dobiju više poklona od istog lica u toku jedne godine, njihova ukupna vrijednost ne može preći iznos od 300 KM.

(4) Vrijednost poklona je njegova tržišna vrijednost.

(5) Primalac poklona ne smije primiti novac, ček ili drugi vrijednosni papir bez obzira na iznos.

(6) Poklon vrijednosti iznad 300 KM direktor zamjenici direktora ne mogu zadržati i obavezni su ga u roku od tri dana od dana prijema prijaviti i predati Vijeću ministara Bosne i Hercegovine.

(7) Informaciju o predatom poklonu Agencija je dužna dostaviti Komisije za odlučivanje o sukobu interesa u institucijama na nivou Bosne i Hercegovine, u roku od 15 dana od dana prijema poklona.

Član 4. (Davanje poklona)

(1) Agencija može davati poklone predstavnicima međunarodnih institucija i organizacijama drugih država, kao i predstavnicima institucija i organizacija iz Bosne i Hercegovine sa kojima saraduje.

(2) Procedura nabavke/osiguranja odgovarajućeg poklona pokreće se na zahtjev direktora ili zamjenika direktora najkraće 7 dana prije događaja za koji se traži poklon.

Član 5. (Nabavka poklona)

Nabavka poklona vrši se u skladu sa odredbama Zakona o javnim nabavkama i pratećim podzakonskim aktima.

Član 6. (Registar poklona)

(1) Evidencija poklona obavlja se putem Registra koji vodi Odsjek za finansije i računovodstvene poslove Agencije.

(2) Registar treba da ima sljedeće rubrike:

- a) Redni broj,
- b) Podaci o poklonodavcu i poklonoprimcu
- c) Opis,
- d) Vrsta, količina i vrijednost poklona,
- e) Datum i mjesto prijema ili uručenja poklona.

Član 7. (Primjena Pravilnika)

Provođenje ovog Pravilnika obavlja se u Odsjeku za finansijske i računovodstvene poslove Agencije – finansijski dio, a u Odsjeku za diseminaciju materijalna evidencija :

- a) Primanja, zavođenja svih narudžbenica, odnosno računa za poklone i potvrda o primljenim poklonima,
- b) Nabavka poklona,
- c) Knjigovodstveno evidentiranje troškova za nabavku poklona.

Član 8. (Završne odredbe)

Za sve što nije regulisano ovim pravilnikom, a odnosi se na poklone, neposredno se primjenjuju odredbe Zakona o sprečavanju sukoba interesa u institucijama na nivou Bosne i Hercegovine ("Službeni glasnik BiH", broj 18/2024).

Član 9.
(Stupanje na snagu)

Ovaj Pravilnik stupa na snagu narednog danom donošenja i objavljivanja na oglasnoj tabli i Intranet stranici Agencije.



RAVNATELJICA

Vesna Čužić

DOSTAVITI:

1. Svim organizacionim jedinicama Agencije za staistiku BiH
2. A/a